

廣西通志卷之十

公署志序

官必有署明職守也署係以公示無私也古帝王  
茅茨土階而治天下况代天工者出入戴星之不  
暇遑問居處之是安哉然非有嚮離出治之地其  
如吏庶觀瞻何惟公署建而兵刑肅於斯禮樂秩  
於斯力役錢穀課於斯臨民者誠能凜凜然朝考  
其職晝講其政夕序其業無憾而後即安則庶乎  
無忝厥職矣





廣西省會

巡撫都察院原在桂林府學左明成化初建

本朝康熙四年重修十三年逆叛盡燬康熙二十年巡撫都御史郝浴改建府治東獨秀山之陽規模閎敞制度悉備

總督行臺舊在桂林府北明成化初建今廢

總兵府在榕樹門右明成化七年建都督總兵掛征蠻將軍印者居之今廢

副總兵府在府治西南今廢



廣西通志 卷之十 公署  
察院舊在桂林府南明成化七年遷於桂林府西

北胡拱辰有記見  
藝文今缺載

清軍察院明時廢

廣西等處承宣布政使司在桂林府東明成化二

十年左布政何經重修後堂儀門大門各三楹

正堂五楹穿廊一楹東西六房諸科共十四間

堂左經歷司堂右照磨所儀門內東理問所大

門內西司獄公廨後有廣盈庫陳輝有記  
見藝文康熙

二十一年布政使顏敏重修

分守桂平道在布政司東今廢

督糧道在王府前東今廢

布政清軍道在清軍察院左明時廢

廣西等處提刑按察司在桂林府治北明洪武間

立正統六年按察使章聘重建成化二十年按

察復孔鏞拓為正堂五楹後堂三楹左右耳房六

間東西六房各十四間儀門大門各三楹堂左

經歷司堂右照磨所知事廳大門內西司獄司

儀門內東架閣庫曾榮記  
見藝文後燬康熙七年按察



使楊駿重建

分巡道在按察司之東明成化二年副使林符建  
提學道舊在桂林府治北後以宣成書院爲之康  
熙間改建於王府坪孫延齡叛兵燬康熙二十  
年改建於西門內二十一年督學王如辰復改  
遷於府治北

廣西都指揮使在布政司左內設經歷司斷事司  
司獄司久廢

貢院在府治東獨秀山下舊爲明靖江王府宋乾

道時建於城西勝仙門明天順間徙於新西門  
內

本朝康熙五年改建都司舊署二十年復以舊靖  
江王府改建按舊江王府洪武三年明太祖封  
其兄之孫朱守謙爲靖江王建王府於桂林東  
城內歷傳十餘世

本朝順治七年定南王孔有德戡定廣西駐節王  
府九年爲僞安西王李定國所陷定南王自焚  
死康熙二年



上錄定南王功遣其子婿孫延齡為將軍仍駐藩  
府鎮守十三年延齡叛十八年討平二十年署  
撫院麻勒吉

題請改為貢院

桂林府治舊在獨秀山下明初遷於譙樓街北成  
化二十一年知府羅珦復建前後堂儀門東西  
六房咸備內設經歷司照磨所司獄司興隆庫  
後圯康熙六年知府翁應兆重建

清軍督捕理刑三廳公署俱在府署左右

今理刑官裁署址猶在

管糧廳在廣儲倉右

府學在明倫堂後康熙二十年教授高熊徵重修  
廣儲倉在府治東

逆運所在府治北今圯

稅課司在府治北今圯

陰陽學在舊府東今廢

醫學在府治北今廢

僧綱司在寧壽寺

道紀司在五嶽觀



臨桂縣治在府西南隅明洪武初建康熙二十二年知縣張遴重修

縣丞署在縣治左

典史署在縣治左

縣學在學內今廢

蘆田市巡檢司在府東三十里

兩江口巡檢司在府西五十里

湘山渡巡檢司在府南三十里三司俱廢基存

東江驛在迤運所右

蘇橋驛在府西七十里

南亭驛在府南四十里三驛俱廢基存

靈川縣治明洪武元年知縣劉延勗建成化十三年冬知縣沈溥重建後圯順治十八年知縣王

孫盛重修

縣丞署在縣治內今裁

主簿署在縣治內今裁

典史署在縣治右

布政分司原建在如意寺左今廢



按察分司在縣左今廢

府館在縣南今廢

儒學在學宮右今廢

千秋峽巡檢司在縣北五里

白石潭巡檢司在縣北三里

大龍驛在縣東今廢

陰陽學在縣北今廢

僧會司在大雄寺

道會司在崇真觀

興安縣治明洪武八年知縣曾孔傳建東為典吏

宅後圯順治間復建

察院分司廢

分守道廢

守備府在縣治西廢

府館廢

儒學在學宮左

濟醫倉廢

鹽沙巡檢司在縣西



唐  
家鋪巡檢司在縣北

陸洞巡檢司在縣西俱圮

白雲驛在萬橋北今廢

陰陽學在縣治東今廢

醫學在縣治西今廢

僧會司在寶塔寺

道會司在北極觀

陽朔縣治在都利山下明洪武三年知縣韓政甫始建正統元年知縣萬睿重建後俱圮順治間

重修左為典史署

按察分司在縣治西久廢

儒學在學內

濟留倉四廩

伏荔市巡檢司廢

白竹寨巡檢司廢

古祚驛廢

陰陽學醫學廢

僧會道會在寺觀



永福縣治在鳳凰山下明洪武二年縣丞康孝良  
建永樂十一年冬知縣鄭曦重建嘉靖十五年  
知縣陳天韶復建典史幕廳在儀門內

分司久廢

儒學在學內

桐古市巡檢司廢

蘭陵鎮巡檢司廢

陰陽學醫學廢

僧會道會在寺觀

嘉靖縣治晉天福八年立宋淳祐中知縣曾垓始  
重修明宣德間知縣吳錡知縣鄭勝重建正德  
癸酉知縣潘志高復修明末圯順治間重建左  
為典史署

分司在縣治南門外今廢

府館在縣治東門外今廢

儒學在學內

濟留倉在縣門內西

桑江口巡檢司廢



陰陽學醫學

俱廢

僧會道會在寺觀

永寧州治明萬曆二年知州唐執中創大門儀門

正堂後堂各三間三年知州鄭應齡增飾廳舍

俱脩康熙十年知州朱王造重修

吏目廳在儀門內

兵備道在州治南明隆慶六年副使黃辰建萬曆

間副使莊國禎吳善復增建

今廢

叅將府在城隍廟右明萬曆七年初建叅將劉經

陳大器俱重修

守備廳在州治西守備賈順初建康熙十年守備

李進學修

儒學在學內

桐木鎮巡檢司

廢

陰陽學醫學俱在州治南

今廢

僧正道正二司在寺觀

全州治在清湘縣舊基元摠管石亨祖建明洪武

初年知府章復正統間知州周建俱重修後圯



康熙元年知州馮源泗重建

同知衙圯

通判衙官 裁廢

吏目衙圯

東察院在旌善亭東 今廢

西察院在陰陽學西明太守章復建 今廢

布政分司在元妙觀左

按察分司在州治東明太守章復建

府館在州治左 今廢

鎮撫司所在東北隅 今廢

軍器局 今廢

叅將府廢 今住民房

守備廳新設 住民房

儒學在學內

稅課司在州治西明洪武間改為局 久革

長盈倉在州治後明洪武二年創十五年州守

林仲顛即舊縣基改為預備倉今毀以民房為

之



迺運所在州治北三里 今革

建安苑浦西延三巡檢司 俱圮

城南驛在州治之南 今圮

山角驛在昇鄉 今毀

苑浦驛在昇鄉 今圮

建安驛在建鄉 今圮

山棗驛在宜鄉 今圮

陰陽學在西察院東 今廢

醫學在千戶所東坡上 今廢

僧正司在湘山寺

道正司在元妙觀

養濟院在城西門外 今廢

灌陽縣治明初建正堂後堂六房俱備後毀康熙

八年知縣單父牧重修

典史衙在儀門內

儒學在學內

吉寧巡檢司在縣西八十里 今廢

陰陽學 廢



醫學 廢

僧會道會二司 俱廢

平樂府治在南門內唐樂州故址明洪武初通判  
夏天啓鼎建萬曆中知府周祈重建明末燬順  
治十七年知府王延禔重修康熙八年知府楊  
榮蔭鼎建

清軍同知衙糧捕通判衙經歷司司獄司俱在堂  
東 今圮

理刑衙照磨所俱在堂西 今廢

布政分司在城隍廟西明正德七年知府官景重  
建 今廢

按察分司在府治東明弘治十七年知府謝湖始  
重建 今廢

兵備道在布政分司西 今圮

察院行署在府治左明天啓元年燬二年重建又  
燬康熙十年知縣陳光龍重修為學道公署

舊參將府在北門外道鄉書院左明參將張萬紀  
岳鎮華前後建修明末燬順治初易參將為協



鎮副將借城西民房為署改建轅門康熙十年  
副總兵官楊應勝重修

儒學在學內

稅課司在西門外 今廢

慶豐倉在府治東北鳳凰山下 今廢

迺運所在城外西江邊 今廢

陰陽學醫學俱在城內 今廢

僧綱司道紀司俱在寺觀

平樂縣治唐武德八年建至嘉定十三年知縣楊

汝濟重建明正統間知縣陳應文張昊俱增建

正德間知縣何綸知縣李京重修嘉靖中知縣

黃玠復修建天啓四年知縣鄭圭增修之今盡

廢為營房康熙六年知縣藍奮興改建於北街

分巡道舊署康熙九年知縣陳光龍復增永饒

架閣二庫還源預備二倉

儒學在學內

榕津寨巡檢司在廣運城內

龍平寨巡檢司在東鄉 今俱圮



養濟院在社稷壇左康熙年間知縣陳光龍修  
 恭城縣治舊在鳳凰山下明洪武二年縣丞周憲  
 臣建於南門內永樂十一年知縣蕭嘉祐重修  
 成化十三年知縣夏瑋徙建于黃龍岡之原萬  
 曆二十二年知縣任思復增修天啓七年知縣  
 張汝醇重修後圯康熙間暫構正堂後廳數間  
 分司在南門內 今廢  
 府館在縣治北 今廢  
 濟留倉在縣東

儒學在學內

白面寨西嶺寨鎮峽寨三巡檢司 俱廢

陰陽學醫學在縣治西北 今廢

富川縣治舊在鍾山下明洪武二十九年知縣張  
 純遷建於千戶所通判劉漢卿署縣增廨迎賓  
 館土地祠吏廨今仍舊址  
 分司在縣南城邊

儒學在學內

鍾山鎮分司 廢



白霞分司 廢

守禦所 廢

白霞寨巡檢司在奉政鄉三都 廢

寨下市巡檢司在奉政鄉鍾山鎮 廢

陰陽學無

僧會司

道會司二司在寺觀

荔浦縣治在南門內明洪武元年知縣馬宥任建  
景泰丙子改遷後燬萬曆十年知縣呂文峯建

大門土地祠禮賢館思過堂典史幕廳後圮康

熙間重修未備

分司在縣治西 今廢

府館在縣治東 今廢

儒學在學內

際留倉在縣治東

陰陽學在縣治東

醫學在縣治南俱洪武十八年設 今俱廢

峯門寨巡檢司在縣治東三十里近設下龍民寨



南源寨巡檢司在縣治三十里後改設高頭寨今廢

昭平縣治明萬曆四年建後圯知縣冷茂松重建

捕廳衙在縣治內

分司廢

僧會司道會司俱廢

昭平寨巡檢司在昭平城內今廢

昭潭驛在城西廢

廣運驛廢

昭平驛廢

龍門驛在馬江廢

賀縣治明洪武元年為賀州知州姚晉出建後改

縣十年知縣葛禮始重修康熙四年知縣何標

復修

典史衙在縣西

防守營署在南門內明崇禎三年建久圯順治十

四年守備蕭起鳳重建復廢康熙十年守備唐

鳳復修

按察司分司廢



府館在城隍廟前 久廢

儒學在學內

河泊所在城外 今廢

際番倉在縣東 已燬

廂坊義倉二間 久廢

陰陽學醫學無

僧會司在海雲三乘寺

道會司在玉虛觀

修仁縣治明洪武初建後圯康熙四年知縣李子

實重建康熙十八年署縣事周清重修

義崇庫在縣堂右

永豐倉在南城內

分司在南門內康熙十九年署知縣王用諷建公

館在青山坪距縣十五里

永安州治在城北康熙五年知州鄧林尹建

分司無考

防守衙借住民房

儒學在學宮內



陰陽學醫學無

僧正司在寺

道正司在觀

梧州府治在德政門明洪武十年知府潘大賓建  
成化十一年知府袁衷重修正堂川堂府衙東  
爲同知衙捕盜通判衙推官衙西爲督糧通判  
衙東爲經歷司西爲照磨所司獄司前爲儀門  
左爲迎賓館右爲土地祠萬曆五年火知府陸  
萬垓重建十三年知府林喬楠移建捕廳糧廳

于西四十六年盡燬知府陳鑑重建順治十四  
年知府張繼曾重修

總督府在城東北明成化七年建後圯嘉靖三年  
右都御史張嶺重建芝軒堂友清堂燕喜堂退  
食堂成化二年右都御史韓雍復爲燕息堂五  
楹嘉靖三十二年侍郎應橧於西又爲燕樂堂  
三楹二十八年督府歐陽必進立三坊南曰節  
制兩藩東曰嶺海肅清西曰民物康阜右爲藥  
局左爲賞功所中軍廳規制雄偉

韓雍  
有記



總府在提督府之東南明成化六年都御史韓雍奉勅建以為三府會同節制所為正堂穿廊同心亭儀門三司廳大門為坊曰揆文奮武韓雍有記總督西府在總府右舊為總兵府明成化七年建萬曆二十八年改為稅監府又改為守道天啓二年參政曾守身建賓館三楹

察院在城東南舊為總鎮府明嘉靖十九年改嶺表書院三十一年改為察院三司廳府縣廳各備

分守蒼梧道在南薰門內明萬曆二十九年為水圯移原稅監署後復燬康熙十二年守道秦仁管重建

分巡蒼梧道在西府前明萬曆七年移鎮鬱林州仍駐府城泰昌元年巡道陳忠愛增飾之今廢廣東嶺西道在參將府後大堂後堂穿堂儀門大門俱修後圯三廣公陶魯復建今廢

盤鹽廠舊在館驛東成化六年督府韓襄毅立後移關帝祠前連舟為宇以便抽盤舊署圯改



爲知府陳鑑生祠亦廢

提舉司在雲山門外萬曆三年改遞運所今圯

儒學在府學內

陰陽學醫學俱毀

憎綱道紀二司俱燬

廣脩倉在東門內

遞運所在府門前今裁

稅課司在館驛前今裁

蒼梧縣治在西門內明洪武七年知縣朱守仁建

天啓元年知縣區龍禎重建後燬順治間重建  
縣丞衙燬典史衙存

儒學在學內

陰陽學無

醫學無

僧會司在寺

道會司在觀

預備倉在正東門內

養濟院在東門外



長行巡檢司

東安巡檢司

安平巡檢司

羅粒巡檢司以上四司俱圮

藤縣治明洪武初年知州趙文建弘治十三年知縣廖佐重修左爲縣丞衙右爲主簿衙爲典史衙門亭規制悉備後毀康熙間重修

按察分司在迎恩門內

府館在縣治東

儒學在學內

廣儲倉在縣西

河泊所廢

陰陽學未立

醫學未立

僧會司

道會司俱在寺觀

養濟院在東門外

白石巡檢司在縣治西



赤水巡檢司在縣治東南

竇家巡檢司在縣治西南

容縣治卽元路總管府基明洪武三年同知王清  
建十年改州爲縣成化三年都御史韓雍遷建  
六年知縣車轟重修久毀順治間重修

典史衙在縣治東

按察司分司在縣治西

府館在縣治西

儒學在縣西南

永豐倉在縣治東

陰陽學無

醫學無

僧會司

道會司二司居寺觀

養濟院在寧遠門外

大河巡檢司在大橫村

粉壁巡檢司在縣治西南

容溪縣治明洪武二年知縣劉頤建弘治八年知



赤水巡檢司在縣治東南

竇家巡檢司在縣治西南

容縣治卽元路總管府基明洪武三年同知王清  
建十年改州爲縣成化三年都御史韓雍遷建  
六年知縣車轟重修久毀順治間重修

典史衙在縣治東

按察司分司在縣治西

府館在縣治西

儒學在縣西南

永豐倉在縣治東

陰陽學無

醫學無

僧會司

道會司二司居寺觀

養濟院在寧遠門外

大河巡檢司在大橫村

粉壁巡檢司在縣治西南

容溪縣治明洪武二年知縣劉頤建弘治八年知



陰陽學毀

醫學毀

養濟院在城東

慈樂巡檢司萬曆十二年移設金鵞今毀

武城巡檢司在縣治東今毀

蘭洞巡檢司係土巡檢萬曆十三年移設于青水尾

蔚林州治明洪武初知州趙大鑑創建隆慶間知州張一清重修左為州同衙右為判官衙吏目

衙俱圯順治間重建未備

分巡蒼梧道在州治東先是守巡二道同駐劄梧鎮至萬曆七年奉三院會題守道專駐梧鎮巡

道分駐蔚林改按察分司建道衙門

府館在州治南

儒學在學內

永盈倉在州北

陰陽學

醫學俱無



僧正司

道正司 俱在寺觀

養濟院在東外

博白縣治明洪武初年知州趙惟清建天順七年

知縣孫璋始重修東為典史衙兩翼為六房久

圯順治年間復建

按察司分司在縣治東

儒學在城東縣學內

際智倉在縣西

陰陽學無

醫學無

僧會司

道會司 俱在寺觀

養濟院在城北

周羅巡檢司在縣南

沙河巡檢司在縣西

北流縣治在勾漏山南唐遷寶圭驛明洪武初知

縣魯源始重修東為典史衙兩翼為六房萬曆



十五年知縣劉中春改建今仍之

按察司分司在縣治南

府館在分司東

儒學在學內

際留倉在縣西北

陰陽學無

醫學無

僧會司在壽佛寺

道會司在元妙觀

養濟院在東門外

雙威巡檢司在縣南今圮

陸川縣治明洪武初建正德間重修東為典史衙

今仍之

按察司分司在縣治西今圮

儒學在學內

際留倉在縣治東

陰陽學今廢

醫學今廢



僧會道會二司 俱毀

養濟院在門外

溫水巡檢司在縣南 今毀

興業縣治明洪武二年建弘治初年重修右為典

史衙兩翼為六房康熙年間重修

按察司分司在縣治東 今圮

府館在儒學後 今廢

預備倉在縣北今名際留倉

陰陽學 廢

醫學 廢

僧會道會二司 俱毀

養濟院在縣北

棠木寨巡檢司在登高嶺下 今圮

趙家寨巡檢司在平山鋪背漢武間裁

平安寨巡檢司在城北二十里 今毀

長寧巡檢司在縣西四十里 今毀

司俱係土官 久裁

富陽驛在縣東五里



高橋驛在城北四十里西水站江坪今圮

潯州府治在城西北隅明洪武八年通判陳善道

建正統五年知府陳嘉謨修今仍舊址重修

同知公署在府堂左

通判公署在府堂右

推官公署在府堂左今裁

分司衙門舊在府治北城內明末毀後移小南門

正街俱毀

分巡左江道公署舊在府治東明末傾圮後遷西

城門內

經歷司在大門外

司獄司在儀門右

儒學在學宮內今廢

常平倉在北街

府門驛在城南

遞運所併歸在驛今廢

協守公署在東城內

守備衙門一在東城隅一在西街



陰陽學無

醫學無

僧綱司

道紀司俱在寺觀

養濟院舊在西城門內

桂平縣治在府東即漢布山縣舊址明洪武七年

建弘治正德相繼修理後移北門堂廳庫門猶

有存者

典史署在縣堂右

分司署在北街明末廢後遷南門復燬

儒學公署在學內今廢

副將衙在北門內四座

潯州衛在叅府右久廢

縣倉三間在分司傍

獄所三間在儀門西

河泊所

陰陽學廢

醫學廢



僧會司

道會司 無

養濟院在城西燬今在北街

大黃江羅秀巡檢司二 俱毀

平南縣治明洪武二十一年主簿向必華建永樂

十四年毀景泰二年知縣祝諭增修天順間主

簿閻禹重建成化元年復燬二年本府同知李

應重修廨宇咸備今仍之

布政分司在縣治左 今廢

按察分司在縣治左 今廢

儒學在學內

際留倉

陰陽學在縣治東

醫學在縣治西 俱廢

僧會司在寶積寺

道會司在縣治東

巡檢司七 俱廢

貴縣治舊在城西正德十四年知縣戴曾宗遷建



城東今仍舊址

縣丞署在縣治儀門右

典史署在縣治儀門左

分司署在縣治西街今圯

儒學在學內 今廢

倉房一所在縣治儀門右

庫房一所在二堂後

監獄一所在大門右

陰陽學醫學 俱圯

僧會司

道會司俱在西門內 今廢

養濟院在西門外

辛安寨巡檢司在縣南六十里外

北山寨巡檢司在縣北三十里外

南寧府治在城中明洪武三年同知王驥建永樂

間知府李晟之修正德八年知府汪獻復修中

為堂曰忠愛舊有雙梅堂瑞文堂久廢嘉靖四

年知府方瑜修明末圯止存大堂中堂高明樓



各一座耳康熙五年知府張文明于高明樓前  
建太守衙一座堂左建同知衙推官衙堂右舊  
有通判衙已毀康熙六年推官裁改爲通判衙  
前爲照磨知事衙左爲經歷衙司獄司儀門內  
有戒石亭知府梁炫增修

察院司在府治東北

今廢

布政分司在府治左

今廢

左江道在府治右後有樓上下堂房儀門大門又  
有孤鶴留陰心遠三亭

儒學署在府學內

慶阜庫在府堂左

大軍倉在府治北

遞運所在府城外

今廢

稅課司在府城西門外

今廢

預備倉今改附大軍倉

陰陽學

廢

醫學

廢

僧綱司在天寧寺

今廢



道紀司在三清觀

宣化縣治舊在府治南明嘉靖二十三年兵備陳  
袞知府張健以舊址卑狹議遷三清觀地左爲  
縣丞衙右爲主簿衙東南爲典史廳明末盡燬  
今縣治權移民房

武職公署明設有南寧衛堂門各備左爲經歷廳  
右爲知事廳爲四所衙外爲左江道中軍廳後  
改爲典史廳右爲鎮撫司爲衛獄兵燹後俱圮  
僅存地基

右江鎮署在縣學右係民房

中營公署

左營公署

右營公署

前營公署

思南城守中軍公署

以上各衙俱借住民房

儒學署在學內

陰陽學醫學

俱廢



僧會道會二司 俱廢

舊驛官八 今廢

舊巡檢司八 今廢

橫州署在城內西南隅宋置元為總管府治左為吏目廳右為架閣庫後為知州廨後圯明洪武二年知州薛明理重修後知州劉瑜再建久頽按察分司在州署左中為堂後為軒又為後堂明萬曆間改為州廨今仍之  
察院司在按察分司左

布政分司在察院司左

學署原在城西儒學內嘉靖二十七年移入布政分司左其地舊為儒學倉地弘治間改為府館今為官廨崇禎四年學正孫大忠重修

軍儲倉在州北

預備倉在軍儲倉內

惠民藥局 廢

稅課局 廢

海棠通運所 廢



經歷司原署在衛左今移居城中

衛署在州治東久廢

鎮撫司在衛西毀

千戶所五日左右中前後分署在衛前東西今廢

陰陽學

醫學二學無存

僧正司在壽佛寺

道正司在元妙觀

養濟院在州西

右江口巡檢司廢

南鄉巡檢司在西六十里

烏蠻水驛州東六十里

州門水馬驛舊在州西儒學左成化乙巳遷于

州東今廢

上思州治舊在溪南明弘治十七年改遷溪北本

府知府劉芳創建後知州羅環繼完之今俱廢

惟存州堂

儒學署在學內



廣西通志 卷之十  
陰陽學醫學廢

僧正道正二司在寺觀

新寧州治在東門內明隆慶六年設州創建堂房  
庫門俱備左爲吏目廳右爲禁獄今重修未脩  
儒學在學內

僧正道正二司在寺觀

隆安縣治明嘉靖七年提督都御史王守仁設十  
一年知府喻義興建火災今仍舊址  
典史廳原在大門左火圮今移左街

察院司在縣治右

儒學在學內

際留倉在縣內

縣庫在堂右

預備倉在幕廳左火圮今于堂左建置倉房三  
間

陰陽學醫學廢

僧正道正二司在寺觀

永淳縣治明洪武二十五年知縣何輔建正統十



一年知縣蕭棋修爲典史廳爲獄爲土地祠俱  
毀順治間重修

察院按察分司俱在縣西今圯

儒學在學內

陰陽醫學俱在縣右今廢

僧會道會二司俱廢

縣庫在堂左

際留倉

預備倉

太平府治在城內南洪武二年知府金濟貧建後  
兵燹無存今建復

通判衙在堂東久燬今遷府後

推官衙在府堂西官裁基存

府學衙在鬻宮左今無存

大分司參座在東門右街今無存

經歷司在北街今燬

乃積倉二座常豐倉一座

武備耳房二庫



城守衙未設係借住民房

陰陽學醫學無考

道紀僧綱二司無

左江驛在南門城外

崇善縣治明知縣何道臨建後毀知縣張京鏜重修又毀知縣鄭希瑜于縣左建衙今仍之

儒學在學內

典史衙

義倉

常平倉

社倉

養濟倉以上俱廢

養利州治明弘治十一年知州羅爵始建萬曆四十七年知州王泌修兵毀今復建

公館在州堂今存一半知州楊家鼎重修學署在翼宮內今廢

捕廳在大門左今廢

防汛署未建



左州治衙門久圯今借住民居

史目衙門久廢

儒學衙門原在學宮內今廢

駐防署未建

永康州治衙宇久圯今暫輯數椽以居

上司公署萬曆三十年知州葉時敏重修今圯

儒學在學內今圯

吏目衙毀

郴州府治在鎮南門內明洪武六年同知莫玉建

成化九年知府何楚漢重修堂西爲經歷司東  
爲照磨所司獄司西南爲巨寶庫已圯順治間  
重修

同知署新建

通判署新建

推官署今裁官署廢

分守道衙門毀

分司署半毀

府學署在府學今毀



經歷司署

照磨所署

檢校署今廢

稅課司在府門左今毀

倉大使署

司獄司署

提督府新設

柳慶城守署

原柳州衛指揮使鎮撫司衛經歷司三署俱廢

陰陽學在府門左今毀

醫學在府門右今毀

僧綱司在府城東外開元寺

道紀司在東城外元妙觀

馬平縣治在府治東明洪武四年縣丞唐叔達建

成化十七年知縣謝正始遷府北嘉靖二年知

縣潘志重修今僅存大堂

典史署半毀

儒學原在學內今毀

新興鎮巡檢司在縣南五十里今廢



雷塘驛在縣東順治十六年議裁

穿山驛在縣南四十里今毀

雒容縣治明洪武六年建成化六年重修正德十五年被賊攻破嘉靖三年監察御史汪淵重建儒學署在學內

典史署在民居

陰陽學無

醫學無

僧會司

道會司在寺觀

江口鎮巡檢司在縣南一百里

年樂鎮巡檢司在縣南一百里

洛容馬驛在縣東北俱毀

柳城縣治明洪武三年縣丞陳祖政建堂廳庫門

六房咸備今毀重修未備

典史署

際留倉在縣治北

儒學在學內



陰陽學在縣西

醫學在縣南

僧會司在感德寺

道會司在三帝宮

羅城縣治舊西羅鄉故址明洪武三年遷于鳳凰

山下多吉寺前久毀順治年間重建

典史署在縣西

儒學在學內

陰陽學在縣東

醫學在縣東

僧會司

道會司二司在寺觀

莫離鎮巡檢司舊址在平東下里

武陽鎮巡檢司舊在平西里巴台村

通道鎮巡檢司在通鎮寨協村

融縣治明宣德十年知縣鄧和建久毀康熙四年

知縣王明道復建後知縣張鼎增造書房知縣

唐厚增造東西兩廊公廨



分司一座毀

學署在學內

典史署

陰陽學無

醫學毀

僧會道會無

倉儲二間在縣右

養際院無存

哨守一座提標把總防守

懷遠縣治明洪武二年縣丞李忠州建久毀今仍

舊址

儒學在學內

駐防署圯

典史署

長豐倉

陰陽學

醫學俱無

僧會司



道會司二司未建

象州治明洪武二年建成化九年重修久毀今仍舊址

吏目署在縣治傍

分司衙門在州左

府館在城內

儒學在學內

陰陽學無

醫學未立

僧正司無

道正司在元妙觀

武宣縣治明洪武三年縣丞吳觀建久毀今仍舊址

分司在城東北隅久毀今設存留預備二倉

儒學在學內

典史署

陰陽學未立

醫學未立



僧會司

道會司俱未立

來賓縣治唐乾封二年建明正統元年修至成化十六年重修今毀改建未備

儒學在學內

典史署

陰陽學在縣南

醫學在縣南

僧會司在縣西

道會司在縣西俱無存

界牌鎮巡檢司舊在縣西後遷南岡石牙村貴縣界今毀

在城驛在縣治西二里今毀

賓州治在城北明洪元年知州馮榮創建俞德儒重修弘治七年知州梁鼎重建正德七年知州孫佐重修从圯康熙年間復建

州判署

學正公署在州學內



吏目署

巡道署康熙二十一年分巡副使重修

察院司因其火無存

分守道署久毀

常豐二所在治西

陰陽學在治東

醫學在南門外

僧正司在報恩寺

道正司在元妙觀

遷江縣治明正德七年知縣黃振英建今圯康熙

間復建

典史署

布政分司在縣西

按察分司在縣治西

府館在縣治西

儒學在學內

廣積倉在縣治西以上俱毀

陰陽學在縣東



醫學在南門外

僧會司無

道會司無

上林縣治明洪武七年縣丞周偉建宣德十年知縣段順孜重修知縣向隆復建今仍之

右江道在府館東今毀

府館在縣治南

儒學在學宮內

典史署

福壽倉久廢

陰陽學未設

醫學未立

僧會司在勝業寺

道會司在玉虛觀俱毀

慶遠府治在舊城西北明洪武二年通判王毅建  
成化元年知府周一清重修久毀順治間知府

崔俊以府治左鄰宅修為公署

分司在府署東火圮



清軍廳在府左今改爲縣丞衙

督糧廳在府堂右今毀

理刑廳在軍糧廳前今圯

教授署在府學內

經歷廳在理刑廳前今圯

稅課司在縣學右今毀

司獄司今廢

廣盈倉在府東北今毀

逆運所在府治東今毀

陰陽學在稅課司左今毀

醫學在稅課司右今毀

僧綱司在西竺寺

道紀司在元妙觀

宜山縣治在舊城西南宋元祐五年建明因之寇

毀今借居南門民房

縣丞即舊清軍廳

典史舊在縣左今在縣右

學署在學宮



副總府舊無衙今借駐南門民宅

慶遠衛在新城東北久廢

守備署在十字街

思恩倉在河池所今圮

巡檢在德勝鎮西今圮

宜陽驛在府新城東門外今圮順治十六年裁

懷遠驛在懷遠鎮今奉裁

陰陽學未立

醫學未立

僧會司無

道會司無

河池州治在城西北知州王玉麟修茅屋

史目衙在城隍廟南路東俱茅屋

參府在西門內東康熙七年中軍守備謝文英建

守府在東門內北

學署在學內今圮

陰陽學醫學俱毀

僧正道正二司無考



天河縣治舊在城南明崇禎四年毀至順治十五年開闢仍建于西北角舊治基

典史署在縣西

儒學訓導向無衙康熙二十一年造草房數間在學官側

城守衙在縣治東

陰陽學

醫學

僧會司

道會司

以上無

荔波縣治創建無考康熙二十年知縣劉采重建典史署圮

儒學署廢今在巖宮內

陰陽學未立

醫學未立

僧會司

道會司俱無

防守署原有前後六間今半毀



思恩縣治歷來南向自知縣林應龍改西向明萬曆二十七年重建毀順治十五年建署歐家山舊址復南向康熙九年知縣翁世庸重修頭門建木柵儀門三間左土地祠前堂三間後堂三間內衙三間俱覆以瓦餘皆結茅爲屋學署原在學內今圯

際留倉二座在署東

常平倉四座

陰陽學

醫學

僧會司

道會司俱無

思恩府治在城中稍南西爲清軍廳東爲經歷司後爲思補堂外左右爲六房俱圯康熙十一年知府金夢麟重建

清軍廳廢

教授衙未建

陰陽學未立



醫學未設

僧綱司未設

道紀司未設

思恩協守副將衙在府西北舊分司署

守備衙在府治後

千總衙

把總衙俱在東門外營房內

武緣縣治明洪武初年在東門萬曆四十一年知縣李元春移建南門內康熙六年知縣莊振徽

重建

典史衙在縣左

預備倉在縣南

分司在縣治東

教諭在舊學址

陰陽學醫學俱未設

僧會司

道會司俱廢

養際院在北門外



城守原無衙康熙七年知縣蒞振徽千總江輝同  
建

黃桐驛

硃砂驛

白石驛俱圯

西隆州治向西建置無考順治間復修

州同署在城西

州判署未建

吏目署未建

守備署在城北西爲千總署

西林縣建置未久事皆草創縣署自康六年建在  
城內居中東向前爲大堂後爲川堂左倉右庫  
後爲縣衙大堂前左右爲六房吏舍前爲儀門  
正東則爲大門

縣丞署在東門內

典史署在東門內

駐防守備署在西門內

千總署在南門內



廣西通志卷之十一

廣西通志卷之十一

學校志序

學校之設由來尚矣必取才於學校則臯夔何書  
 可讀不取才於學校而宰相須用讀書由斯以談  
 朝廷固收用才之效而學校實為育才之區詎可  
 忽歟古之盛王自邦國而達乎郡邑莫不有學為  
 之慎選師儒倡明正學斥異端闢邪說俾堯舜禹  
 湯文武周孔之道燦然如日中天學者誠能深思  
 夫庠序之義而涵濡乎道德仁義之中出可為王



佐處則爲真儒庶幾斌斌乎人材之盛也哉易曰  
觀乎人文以化成天下必自學校始矣

學校志

桂林府學舊在獨秀山下唐大曆中觀察使李昌  
巖因顏延之讀書室爲之宋熙寧中遷城東南  
隅崇寧四年經畧王祖道廣於城西慈壽寺廼  
故始安郡治紹興二十七年燬議遷於此未果  
乾道二年冬復燬教授江文叔請於經畧使張  
維遷於始安郡之墟淳熙中知靖府張栻始擴  
大之朱熹張栻有記嘉定十年提刑吳純臣刻釋奠牲  
幣器服圖記大德初魯師道復刻釋奠圖墨本



殿石樹於明倫堂右臧慶解有記至大三年憲副余

璉置大成樂器四年總管梁國棟闢殿之東地

為節和堂以習樂天曆元年教授辛龍應於堂

之前復葺肅容堂為更衣所延祐七年廉使薛

元直于思何德嚴建奎文閣以藏書籍至元四

年副憲伯篤魯丁總管馮夢弼等議新殿宇之

圯壞者廉使脫因等相繼來任遂建禮殿戟門

兩廡更先聖先師十哲從祀像王庭弼記補祭器益

禮服明年復建東西齋梁記至正元年春廉使

朵兒只班副使趙天綱都帥章伯顏撤而新之

至正十三年冬十一月憲副也兒吉尼重修殿

廡堂宇閣舍茶陵劉三吾記見藝文舊有七先生祠在戟

門西初扁曰三先生祠祀濂溪明道伊川大德

三年憲副藏夢解重修增祀晦菴橫渠南軒東

萊因易其額併列鄉賢於左右明洪武初始創

東西四齋十五年布政使李延中重修禮殿兩

廡二十四年監察御史李默與潘臬僉議重建

明倫堂增置膳堂號房教授陳有記先是二十六年



冬頒雅樂加六佾之舞陳建作大賦三十一年春

重修東西廡嚴聖賢像宣德中漸頽知府孫鼎

修葺正統九年知府吳惠重修譚壽海有記十二年

御史魯蒙簡建立本省登科題名碑記見弘治

十三年巡按御史袁佐重建明倫堂彭甫有記正德

十二年巡按御史謝天錫重建嘉靖十年奉制

始易文宣王曰至聖先師易大成殿曰先師廟

易神像為木主建啓聖祠陳伯獻有記建敬一亭於

明倫堂前安御製敬一箴及視聽言動心箴凡

七碑郡邑諸學無不如制又立名宦鄉賢二祠

列學左右萬曆九年督學袁昌祚重修甬道丹

墀拜臺俱砌以石

本朝康熙十一年巡撫都御史馬雄鎮移建迤西

廟宇祠閣堂廡泮池咸鼎新之實兼縣學地基

而為一也即人李棠記見藝文孫逆叛學宮為兵舍殿廡

頽圯康熙二十一年教授高熊徵詳請巡撫都

御史郝浴布政使顏敏按察使黃元驥提學道

王如辰右江道簡上知府徐鳳鳴捐貲重修記見藝文



武學在桂林府西城內嘉靖九年提學僉事黃佐  
因舊武學廢址卑隘遷建於此蔣冕有記見藝  
文今廢

臨桂縣學元皇慶間縣令劉鼎建於郡城南隅至  
元癸未縣令曾天騏重修大成殿建櫺星門戟  
門兩廡明洪武二十八年遷府學之右宋宣成  
書院故址正統十年巡按御史曾蒙簡命有司  
重建東西廡御史尹鉉復命修建兩齋有記正德  
元年提學僉事姚鏌重建大成殿及堂齋郡人包  
祿記

萬曆二十四年巡撫戴燿巡按黃紀賢提學楊  
道會議移於舊軍門東即古田縣學舊址明末  
圯廢仍附府學合祀

本朝康熙十一年巡撫馬雄鎮移建府學文廟於  
西偏合舊縣學基址爲一然修廢舉墜以廣文  
教不能無望於後云

興安縣學舊在縣北門右宋嘉泰間遷於縣北朝  
天門歲久漸頽景定五年縣令蒲應龍因舊葺  
之增學田置貢士庄李應春  
有記至元間遷於縣治



東門外至正間縣令劉侯得陡江空地置學稼

新庄唐記明成化間巡撫都御史韓雍遷於城

內方昇記弘治四年知縣鄭晉重修萬曆九年守

道彭富二十二年知縣吳彰俱重修

本朝康熙二十一年知縣栢嵩琪訓導蕭露灑重

修

靈川縣學在縣東宋建炎間始建舊學基址在縣

西一里與呂仙山相對後圯元至元二十一年

知縣羅羸遷於縣東南大象山尋燬於兵二十

九年廉訪副使趙天綱命知縣岳璋徙今地明

洪武三年知縣劉延重建十五年知縣呂資增

置東西齋及堂膳厨庫造祭器塑聖賢像永樂

乙酉知縣劉正言復修宣德癸酉知縣陳繼廣

其基重建講堂正統甲子知縣包至道重建大

成殿兩廡修祭器成化元年知縣曾鐸擴地為

門十八年仲秋知縣沈溥重修嘉靖三年知縣

秦有重建十二年教諭陳璇請改建廟學巡按

御史曾守約行司給銀命通判董其役十九年



知縣成世遠加修殿廡門舍

本朝康熙二十一年知縣黃士奎訓導毛文燦重修

陽朔縣學舊在縣南宋淳熙十四年遷於縣東卽  
今址元延祐乙未邑宰嚴敬修葺廟宇廊廡齋  
舍學左叙立文會堂明洪武十五年訓導龍騰  
建大成殿戟門堂廡齋舍又構讀書樓正統四  
年教諭蕭文郁建鄉貢題名碑正統十年知縣  
高霽重修殿廡櫺星門及觀德亭會饌堂號房

吳惠有記  
見藝文

天順甲申水圯成化十五年知縣楊

綱重建明倫堂讀書樓創鄉賢名宦祠弘治七

年巡撫御史顏頤壽提學僉事姚鏞知縣黃佑

重修二十一年知縣王時中修葺殿廡門堂三

十六年本府同知張冕以審戶口至朔命縣令

重修四十三年知縣吳國用修廟廡堂祠又於

讀書樓改建五雲樓萬曆九年本府推官李道

先署縣事修造殿廡戟門及進德修業齋二十

三年知縣李棻造明倫堂崇禎十三年知縣朱



奉鑲重修殿廡戟櫺及明倫堂敬一亭立卧碑  
鄉貢題名碑

本朝康熙九年知縣陳洪疇重修正殿戟門兩廡  
明倫堂啓聖公祠舊有教諭署一座朱奉鑲建  
訓導宅地一區會饌堂儒學倉今俱廢學租碑  
尙存

永福縣學舊在縣前儀鳳舖宋淳熙六年遷於縣  
東北鳳巢山下卽狀元王世則故宅明洪武二  
年縣丞康孝良重修永樂十四年知縣鄭熾復

修景泰四年知縣黃瓊教諭葉轍重建大成殿  
成化十六年知縣夏忠復修嘉靖二十一年知  
縣林天榮重建聖殿兩廡戟門櫺星門東名宦  
西鄉賢祠後明倫堂又建敬一亭東西時習齋  
興賢儒學二門教諭訓導廡舍及卧碑敬一六  
箴皆備焉萬曆十五年知縣吳立東重修增建  
啓聖公祠今俱圯未修

義寧縣學先在縣南宋經畧使張栻大書門扁刻  
於石咸淳庚午以地僻遷香林寺東元貞元年



邑令臧仲璧遷縣西明洪武四年縣丞丁勝重修天順中燬越五年知縣鄭勝復修正德辛巳知縣梁順重修萬曆二十四年知府洪澄源檄縣重修兵燹後祠廡堂閣齋舍俱毀今止存正殿

永寧州學在州治北舊古田縣學址在州南宋紹興間縣令高登闢而新之明洪武間重建成化初縣治沒於狂獍諸生從司牧建講堂於會城後改為臨桂縣學隆慶四年巡撫御史殷正茂奉詔大

征恢復古田縣尋改為州學增廩增各十人以待本地入學者五年唐執中始建廟於城東南陬萬曆五年知州鄭應齡議建堂廡齋舍八年知州尹廷俊上其議於院司府乃相吉於城西北新擴基址規制始備陳一洙有記見藝文二十五年漸圯知州徐來聘復請新之有記三十一年知州林裕陽重修天啓元年知州萬建元造祭器重加修葺羅之明有記明末頽圯本朝康熙二年知州白意上狀院司捐俸修建郡人



李崇記十一年城內外火延燬啓聖祠是年冬

知州朱王造重建復繚垣牆二十二年知州郭

大琦重修督學王如辰有記見藝文

全州學始於宋慶曆四年舊基在州城東北隅紹

興十三年郡守高楫創建於鳳凰山之陽即今

地劉崇記嘉定間教授黃學行建登科題名碑

有元至正八年燬於獠十年郡守石亨祖重建

揭侯斯記明洪武四年郡守章復以舊明倫堂

狹隘徙創於大成殿後堂齋射圃一新宣德九

年知州周健復修又創尊經閣以貯書籍改鑿

泮池於戟門前作步雲橋於學之南吳伯章有

正德間按察副使劉君節建名宦鄉賢祠於學

之西南蔣冕記正德癸酉知州顧璘重修又因

全寧樓故址建翔鳳樓蔣冕有記嘉靖九年奉

詔建啓聖祠於學西又建敬一箴亭於學北明

萬曆以迄啓禎屢圯屢修誌缺未詳

本朝順治十六年巡按御史李秀重修尋圯康熙

二十年署知州徐泌倡紳士捐修巡撫都御史



郝浴入境謁廟捐資助焉

雍陽縣學在縣治西華山門隋大業十二年建宋

泰定十六年郡守楊若邑令洪若水重修元至

治間縣令董侯復修文蔚後燬至正間重修

孔惠垣明洪武初知縣王友裕重修嘉靖二年

副使楊必進行部謁廟以學在城外荒僻卑隘

委知縣周應祿遷入縣治東創建聖殿兩廡戟

門櫺星門泮池橋規制始備蔣冕記

本朝康熙二十一年署訓導朱雲倡修正殿東西

廡戟門櫺星門泮池橋皆重新焉督學王如辰

有記見藝文

平樂府學宋舊址在城東二里考槃澗之西宣和

間知州嚴以諷徙城內州治左淳熙中太守王

光祖復徙舊址元初燬於兵至元己卯郡監劉

懷遠知州孫武德經營創始十五年武德之子

夢得再知州事乃繼成之後圯至正十二年攝

郡拓跋元善重建又立進士題名碑常與有記

明洪武二十七年知府張信增建厨庫宣德十



年知府唐復鼎新殿堂蔡雲翰有記正德十年知府

張愷重修嘉靖四年知府李彥徙建城內鳳凰

山麓萬曆七年參政陳應春擴學前後地建敬

一亭鑿泮池十九年知府黃文炳重修正殿前

爲戟門櫺星門後爲明倫堂堂西爲啓聖祠兩

翼爲齋最後爲尊經閣名宦鄉賢祠分附於東

西廡前建教授衙署於明倫堂東崇禎末盡燼

於兵

本朝順治十六年知府王延禔始建明倫堂十八

年建大成殿悉出草創康熙九年知府楊榮蔭

知縣陳光龍捐俸倡修并建兩廡櫺星戟門廟

貌庶幾復古焉甲寅後兵燹荒圯二十年署知

府婁倣舜修建明倫堂啓聖宮并殿廡門垣葺

而新之署巡撫麻勒吉有記見藝文

平樂縣學址在城北明洪武四年開設知縣高忠

創立永樂二年知縣陳應文重修二十年推官

鄒寧復修楊懋有記正統元年知府唐復重建弘治

間水衝沒知府謝湖改附府學正德間詔裁革



冗員生徙亦隸郡庠萬曆三十四年知縣陳御  
堦以明賢書院請題而建復之唐世堯有記崇禎末  
廢今仍附府學合祀

恭城縣學舊在縣治東南鳳凰山明永樂八年建  
成化十三年遷縣時知縣夏瑋建於縣西學後  
山有澤潏流知府楊魁鑿池引水入焉名曰洗  
硯池正德九年叅政蔚春知縣陳猷闢基重建  
十三年兵備副使張祐建騰蛟起鳳二坊於櫺  
星門外左右嘉靖庚申知縣楊鈞遷縣西南隅

萬曆二十年知縣任思申請建學規制周備歲  
久圯廢

本朝康熙九年知縣曹林韻仍舊址修建聖殿兩  
廡啓聖宮并建先名宦任思張汝醇孫濬爲三  
公祠尋傾圯僅存聖殿二十年知縣揭宗本修  
建啓聖宮兩廡戟門

富川縣學初在縣治西南隅一里明洪武二十九  
年建久毀成化四年知縣常忠重建袁衷有記弘治  
二年知縣劉時雍復修周誼中正德元年督學



姚鎮徙建城北隅迎恩坊命知縣張冕董其事  
嘉靖間通判鄧輅易櫺星門以石教諭徐一瀚  
命工鑿泮池邑人張惠有記二十二年知縣陳東重修  
萬曆九年知縣周篤斐重建汪若水記三十五  
年知縣張文耀教諭張翊捐置學舖學田後之  
修葺縣誌無紀

賀縣學舊在縣治東宋郡守鄧闢建元至正初郡  
守劉晉修十六年燬知縣孫逢辰再創殿廡門  
堂明洪武十年因舊增飾永樂十三年主簿傅

岳教諭李滋重修成化四年知縣蔣智桂司訓  
馬超撤而新之有記嘉靖十三年叅政曾存仁副  
使朱良知府姜樑教諭李文貴遷南門玉虛觀  
地萬曆甲午知縣翁懋勳大修殿廡堂齋培土  
而高之三十四年推官周伯遜復修歲久傾圮  
本朝康熙二年修復聖殿東西兩廡九年知縣何  
標教諭劉懋沛建復齋署

修仁縣學舊在縣東閔外成化間築城遷縣東後  
再遷城南門外明末朱晉明遷於城南郭外初



創聖殿一座值兵燹尋圯

本朝順治十二年署縣事高際運仍遷城內舊址  
修復之康熙八年知縣李子實造啓聖宮築土  
墻鑿泮池十一年知縣陳錫疇復募工修理十  
三年後毀於兵十九年署縣事王用諷署訓導  
莫顯璋倡率修葺建復啓聖祠儀門

嘉浦縣學舊在縣東宋徙縣西元至正己丑主簿  
石天岳重修有記見明洪武初知縣馬宥重建  
景泰元年知縣伍繪改遷城邑移建於今縣城

內之西萬曆十二年知縣呂文峯重建殿祠堂  
齋兵燹頽毀唯明倫堂尚存

本朝康熙四年知縣錢周鼎重修

永安州學原在城內州治西成化間都御史朱英  
委叅議謝綬創立陳獻章有記嘉靖間火知州楊鈞  
重建後遷南門外

本朝康熙五年知州鄧林尹重建聖殿啓聖祠兩  
廡櫺星戟門誦十一年知州何呈秀建立明倫  
堂文昌閣十九年知州丁亮工重修督學王如



辰有記見藝文

昭平縣學誌缺無考明萬曆間知縣冷茂松修建  
越十年知縣柯壽愷復修

本朝康熙元年知縣陳定國重建八年金碩鼐修  
葺之今圯

梧州府學在府治南門外東宋元祐中知州張唐  
輔建於水井泉北建炎三年文彥明遷於放生  
池南紹興二十二年知州任詔以神霄宮廢址  
改創洪遵元至元二十四年總管馬麟重建明

成化十一年都御史韓雍營創中爲文廟東爲  
啓聖祠前爲兩廡又爲戟門外爲泮池跨以石  
梁左爲神厨右爲神庫東西各有碑亭又前爲  
櫺星門舊府縣學各有文廟乃併而一之左府  
學爲明倫堂下爲四齋東進德日新右修業時  
習前爲儀門外東爲教授署西爲諭訓二署前  
爲儒學門右縣學爲明倫堂下爲二齋東致知  
西力行前爲儀門外爲諭導二署前爲儒學門  
丘濬記弘治十五年都御史鄧廷瓚以門地卑  
見藝文



潦輦土高六尺許石甃其外又易櫺星門以石

柱廟宇堂齋悉因舊制益修之李東陽陳獻章記見藝文正

德十年建名宦鄉賢名鄉祠嘉靖十二年都御

史陶諧復新之二十年都御史蔡經以交南功

成振旅獻馘宜壯麗始建尊經閣購書籍與敬

一箴並藏毛伯溫記萬曆八年知府陸萬垓十

五年知府林喬楠重修四十七年知府陳鑑復

修天啓二年蒼梧知縣梁子璠修縣學明倫堂

本朝順治四年總兵李成棟自粵東發兵收梧廟

宇祭器悉燬於兵十三年知府張繼曾率紳衿

創建十五年推官閻政建戟門康熙二年知府

黃龍建兩廡修櫺星門十一年知府楊彥溶重

修聖殿撤舊柱易以杉材建尊經閣於殿後舊

址甲寅兵燬十九年知府藺佳蔭捐貲重修命

教授黃裳吉董其役鼎建明倫堂啓聖宮增置

廊舍闢土繚垣撤櫺星門燬石建設神主龕座

殿閣門堂丹雘一新二十一年冬署知府事何

燭署教授黃裳吉續工捐修其敬一亭工猶未



竣知府彭騰詡知縣尹維旆復議捐修

督學王如辰  
記見藝文

蒼梧縣學在文廟右建置與府學同今圯廢未修

藤縣學在縣南城外學嶺創自宋至順三年知州

文魁建元因之明洪武七年州同知金文仲重

建十二年知縣馮哲修天順六年知縣謝鉉建

弘治十年知縣廖佐重修十七年提學僉事姚

鏞委官增修堂宇齋舍嘉靖六年典史孫懋重

修歐陽鐸二十三年顏參修明倫堂萬曆二十

八年劉昺改建於學西之右嶺四十三年知縣

李廷幹從諸生請遷復舊址崇禎八年知縣梁

昌重修明倫堂續修文昌閣於學東誦今學宮

俱圯未復

容縣學唐貞觀元年建於駱駝橋西宋自紹興以

來遷徙無常嘉熙間學正梁汝翼修葺誦元遷

縣治西南明洪武二年州同知王清因舊址重

建景泰五年知縣黃佐重修殿廡戟門厨庫泮

池成化六年知縣林廷輝建櫺星門饌堂明倫

堂及東西二齋嘉靖十年知縣蔡雨改建學宮



規制復新萬曆七年知縣伍可受重修有記見  
文藝四十八年知縣區龍禎復修

岑溪縣學原在舊縣治東唐武德五年建宋元因

之明洪武十二年教諭何進重建弘治三年知

縣勞雍遷建今縣治東北隅教諭蔣聰續成之

周孟中記正德而後遷建無常萬曆二十八年

知縣曾莘重修三十三年以地震圯知縣吳繼

禧修復天啓元年知縣詹子忠復自外而徙內

城縣治後營建殿廡堂祠亭池門舍規制如初

明末王燬舉人廖標修置

本朝順治十五年知縣劉廣國復修建明倫堂康

熙八年知縣劉昌言重修有記見

懷集縣學在縣治東肇自宋時元至正二十六年

燬於兵明洪武三年重建後圯弘治七年知縣

區昌重修彭甫張翊有記嘉靖四十一年署縣事

通判李鵬舉建啓聖祠萬曆三十九年知縣越

應捷復修魏濬有記四十六年知縣謝君惠重修崇

禎十六年知縣李盤重修兵燹復燬



本朝康熙二十一年教諭唐忠弼重修

鬱林州學在州治西南成賢坊舊在州治南一里

宋至道二年建元至正三年知州張按攤不花

遷建今地伯鶴明洪武二年州同知黃斌重

修正統七年知州柴衡建明倫堂立題名碑曾

魯有十四年知州廖震建殿廡堂齋成化四年

知州向珍鼎新學制弘治十二年知州李永珍

重建彭甫記正德十一年州人梁璉易櫺星門

以石十六年兩廡傾圮知州張詔修建萬曆十

三年知州江龍重修十九年副使賴濬修啓聖

諸祠堂後築方塘低窪前拓地爲泮池浚西北

之泉入焉

本朝因舊址修建正殿兩廡戟門啓聖祠餘未建

復

博白縣學唐貞觀初遷於城南一里宋開寶五年

遷城東一里紹興後圯慶元戊午知縣李大章

重建魯詳明洪武三年縣丞孔時郁建正統元

年縣丞朱勗主簿張本忠重修九年知縣程節



遷縣治南成化四年寇燬副使范鏞遷於平政門外尋毀嘉靖六年教諭柯挺之申請遷於城東舊址四十三年署縣事藤縣縣丞王宗予遷建城內縣治西廟制備焉萬曆十五年知縣謝國光重修三十七年知縣譚岳重修四十八年建尊經閣知縣張茂芹署縣同知張熙韶成之北流縣學唐貞觀三年建於登龍橋西宋因之元大德二年知縣侯仁遷寶圭驛東延祐四年遷於驛西至正二十六年燬於火遷縣治西南一

里明末樂十一年知縣陳宗文仍舊址重建天順四年寇燬成化十七年都御史韓雍改築城池以學基建縣治而建學於縣治東北隅弘治五年知縣羅嵩遷城東一里十年知縣唐源重修周孟中記嘉靖十三年知縣彭黻復遷城內縣治東北後再徙城外東崇禎四年劉修已仍遷城內舊址

本朝康熙元年署縣事安九挺重建遷於舊址明倫堂右



陸川縣學宋淳化五年建於城東南一里明洪武  
三年縣丞王麟仍舊址重建永樂十年知縣吳  
景重修天順六年知縣李宣遷於南門內縣治  
東弘治四年提學僉事周孟中委官遷建於縣  
中街西正德七年賊毀知府曹琚重修嘉靖二  
十三年知縣李紳遷於縣南一里四十二年知  
縣張子翼遷城北鼎新廟制萬曆十四年知縣  
林鳳朝重修

本朝康熙四年知縣方鼎重建明倫堂

興業縣學宋慶曆中建於縣西北一里元仍宋址

至正三年知縣秦仁濟建明洪武三年縣丞鄔

馬兒重建永樂十四年知縣余顯宗正統天順

丁芹向珍相繼修葺建奎文閣人文蔚起後以

寇燬成化十八年訓導陳士章申請督撫發帑

命知縣鍾轅遷城內縣治東弘治正德間知縣

王昌陳澗重修嘉靖十六年知縣方詔復修

壯有記見藝文義李二十五年邑紳譚堯道重建櫺星門萬

曆十年知縣馮文炤修大成殿十二年知縣魯



節績成之崇禎十五年晉縣事通判鄧來麟倡  
修殿廡堂齋邑紳譚汝賢重建敬一箴亭

潯州府學創自宋初慶曆元年州守杜應之病其

卑隘徙遷於州治東

余靖記  
見藝文

元爲路學明洪武

初改爲府學建於郡城小南門外正統間徙城

西隅南向未幾藤峽寇毀成化二年知府孫暉

因舊基重修東向

錢溥記  
見藝文

弘治間提學副使周

孟中以廟學逼隘命有司撤去土墻盡衢而止

學制乃備嘉靖二十一年重修崇禎六年提學

僉事程策攝府事鄧紹倡修尋燬於兵

本朝順治十五年重建正殿康熙二年建明倫堂  
餘未復

桂平縣學址在府城南洪武四年燬後併入府學

遂廢又云縣學原在城外地名官園天啓元年

遷於東城外一里崇禎二年復遷官園明末燬

本朝康熙六年知縣孫以敬建於郡城小南門內

提學僉事盧易有記

平南縣學在縣治東明洪武初知縣齊遜建殿廡



門堂兩齋射圃公廡永樂間知縣汪俊塑聖賢像正統天順間知縣胡濟同知李應相繼修建弘治十七年提學僉事姚鏞委推官樊士奇知縣岳琬重建明末兵燹薦至頽圯無存

本朝康熙初年通判劉禎倡修文廟一座知縣程應辰續工葺之餘未建復

貴縣學在城東門外肇自宋慶曆間紹興十一年太守趙善煥遷於城西淳熙十二年太守林次齡修葺給廩以贍師生紹興十五年太守沈雲

舉增置館舍引試士子慶元十年嘉定間再遷

于下郭中郭延祐己未州守脫脫木兒重修禮

殿莫廷明初仍元舊洪武三十一年教諭鄧觀

善重建成化十七年都御史朱英命遷于城內

張燦記明末燬于兵

本朝定鼎巡按御史李秀捐資倡修漸復舊制今又頽圯

南寧府學在府治北舊在城外沙市再徙城中南隅基址凡五易宋遷城西寶慶丙午安撫使謝



守明遷於城中五花嶺卽今學淳祐戊申督學

使梁應龍重修鄧容元趙修已嘗新廟制元文壁有

記見明洪武三年署府事焦源教授謝成伯重

修正統間知府陳雍完舊益新修殿廡講堂齋

舍塑聖賢像造樂器弘治間郡守蕭蕙劉芳李

津相繼修飾中為聖殿兩翼為東西廡前為戟

門又前為櫺星門左右為四齋曰志道據德依

仁游藝門有半月池護以石欄障以屏牆有箴

亭射圃公廨嘉靖間知府郭楠朱黼王貞吉先

後重修規制悉備又于戟門左建文昌祠兵燹

後僅存櫺星戟門正殿文昌祠餘俱圯

本朝康熙四年知府虞宗岱同知劉光榮倡修明

### 倫堂

宣化縣學明洪武三年建於城之西北正統二年

御史唐慎改遷城內正統十一年知縣盧彰重

建廟學塑聖賢像正德十六年知府盛瀧重建

堂齋門舍嘉靖八年遷附府學之右文廟總于

府學十年更定如府學制二十九年知府王貞



廣西通志 卷之十一 學校  
吉重修萬曆四十年知府蔡淑達重修有後兵  
燹圯廢今春秋致祭仍附府學

新寧州學舊爲宣化四峒地向無學校明隆慶六  
年左江道霍與瑕開建州治詳請建學卜城內  
東隅地始建殿廡堂齋門祠池亭規制悉備歲  
久傾圯崇禎十三年知州王文林重修復新兵  
燹復毀尚未修復

隆安縣學明嘉靖七年縣治始立嘉靖十六年知  
縣章珪建學在城內東南隅三十九年知縣姚  
居易遷于城東郊詔四十二年知府方瑜捐資  
續成學制乃備萬曆十四年災于潦知縣袁廉  
重修明末兵燹久圯

本朝康熙十一年知縣查培甲倡建今又圯

橫州學在城外西崇儒坊舊爲寧浦郡學建置無  
考元至正間總管達魯花赤張九重建張九  
張九

見藝文明洪武三年知州薛明理因舊址重建三

十二年學正徐浩修宣德間知州郭交儀學正  
孔定建齋舍講堂景泰間知州曾文玉學正盧



瑞建戟門兩廡櫺星門嘉靖十一年建啓聖祠  
一箴亭碑萬曆二十九年署州事推官張邦  
教增置學田以贍貧士後有修葺邑志缺焉  
永淳縣學在縣西其先遷徙不常明洪武三十二  
年知縣孫道源遷今址永樂元年教諭羅瑋典  
史羅暹建廊廡講堂正統十六年知縣蕭琪典  
史方議建殿堂齋舍嘉靖十四年知縣方鵬訓  
導周文重建櫺星門鑿泮池廟制重新以後修  
葺無紀

上思州古無學校肇於明弘治末年改泥始隸邕  
郡正德五年知州羅環請于督學始選秀士肄  
業南寧十一年署州事通判陳璵請建學校次  
年頒儒學印記十三年知州黎盤初建廟於郭  
外之東嘉靖十三年知州陳世瞻遷城內東隅  
二十三年知州周璞益恢前址三十一年半燬  
於兵三十七年知州李時芳重修規制益備郭應  
聘有歲久荒圯

本朝順治十六年知州高科署州事照磨葉汝懋



相繼修葺建明倫堂文昌祠

太平府學在府城北洪武三十年建正統十二年

重建成化丙申知府何楚英重修

丘濬記見藝文

弘治

十三年知府謝湖遷學東向修櫺星門正德七

年知府徐球乃復舊地南向萬曆十七年知府

張步雲重修

本朝初江州賊燬順治十八年知府馬正午建正

殿啓聖祠尋圯康熙六年知府高不矜倡率重

修

崇善縣原未建學選士俱肄業府庠

養利州學在城內西隅明萬曆三年知州王之緒  
建

左州學建於明成化間改土設流之後嘉靖八年

知州周奎重建萬曆三年知州萬本重修崇禎

十四年學正梁方圖移於城東

永康州學在城內明萬曆三十年建

柳州府學創自唐初元和間刺史柳宗元重修見

孺明洪武六年同知莫玉以地湫隘弗稱徙府



治西北隅永樂五年推官陸楷等重修未就知  
府馬應坤續成之宣德四年推官鄭士庶改禮  
殿及講堂門廡齋舍廡宇庖湑皆備有天順元  
年知府龔遂增建後堂及東西齋陳邦琳記弘治  
間知府周欽作石橋于泮池上闢射圃於學東  
嘉靖間知府鄧鉉王三接相繼重建規制始備  
今俱燬方議倡修尙未建復

馬平縣學前代止有路學至明洪武四年縣丞唐  
叔達始建於城外羅池街東弘治七年知府李  
文安重建嘉靖六年知府胥文相修殿廡戟門  
堂齋十六年知府鄧鉉建敬一亭  
本朝康熙七年知縣關興邦修建十九年六月毀  
於火

雒容縣學舊在城北繼遷城東南宋季燬元至元  
間重建元末復燬明洪武六年知縣李仁遷於  
縣治西成化間重建正德十五年燬萬曆八年  
遷縣重建知縣樊于震鄧林春先後經營十三  
年推官李遠成之明末復燬



本朝重建康熙十五年盡燬於寇今未建復

羅城縣學舊在縣東鳳凰山前明洪武三年知縣杜原建四年縣丞于志祖續成之明末遷城內東北隅尋燼于兵

本朝順治十五年署縣事苗爾蔭覆茅舊址康熙元年議重建紳衿咸願復於東門之郊知縣于成龍重建正殿

柳城縣學原在龍江舊城明洪武三年縣丞陳祖政遷於縣治西南十八年知縣張志諒永樂七

年知縣聶盟皆重修成化間遷城內北隅十四年督學吳玉命遷縣治東正德六年知縣許珊重建堂廡戟門嘉靖三年推官馮來駿以地湫隘弗稱遷縣治西通判蕭鼎相繼署縣完之

本朝康熙二十年知縣駱斯才重修提學道王如辰有記見藝文

懷遠縣學在縣南明洪武二年縣丞李志丹建十年併入融州學十四年復十九年知縣李文斌以基隘遷於舊分司弘治間毀於徭萬曆十七



年知縣蘓朝陽重建于縣治東徐秋鶚有記

融縣學創自宋初乾道三年郡守劉襄重修淳熙

間郡守張适修禮殿嘉熙丙子郡守韓休卿重

新廟制蔡安國有記元至正間燬於兵明洪武十年

改州爲縣學宮仍舊正統十一年知縣嚴霜遷

於城西正德元年知縣吳清十五年知縣曾俊

唐傳相繼重修工乃完

本朝康熙二十年知縣熊飛渭重建督學王如辰

有記見藝文

來賓縣學在縣南宋開寶中建元季燬於兵明洪

武三年縣丞孫仕安訓導權明孫重修嘉靖十

四年知縣王璣重建堂齋今燬未復

象州學在城內東南隅明洪武二年知州彭應雷

重建八年知州朱弼永樂十三年知州存諒皆

重修正統景泰間知州何敬何濬先後重建萬

曆十三年分廵道郭準屬知州李惟岳重修又

置射圃於明倫堂後今俱燬未復

武宣縣學原在縣南明洪武主簿王大資遷於縣



東建大成殿明倫堂東西齋崇禎五年署縣事  
孫光啓重建今燬未復

賓州學在州南元皇慶中判官陳應建淳祐間建

進士題名碑元泰定乙丑知州王渥置祭器

王廷

秀有至正未燬明洪武二年知州馮榮周樂相

繼修建正德八年兵備副使陳錫分巡僉事徐

海重修隆慶萬曆間兵備副使鄭一龍郭棻先

後重建明末燬

本朝康熙四年知州呂承亮重建尋圯二十一年

知州余忠震重新之提學道王如辰

有記見藝文

遷江縣學在縣西明洪武三年建二十三年火知

縣梁護重修永樂十五年復火知縣梁蠡復修

規制畧備今圯未修

上林縣學在縣西南古澄州門外明洪武三年縣

丞周偉重建弘治間知縣向龍重修嘉靖九年

知縣方田拓地增建萬曆元年知縣王一岳重

修

慶遠府學在城內開國坊舊在城南宋慶曆三年



始建崇寧三年立石鐫辟雍詔於廡下淳熙四

年知州事韓壁遷於今所張杖記慶元二年知州

事陳表臣置學田以助養士六年知州事耿明

撤而新之又建閣於堂後陳涇記元至元後燬於

兵明洪武初內附署學仍舊通判王毅重修堂

齋正統十二年知府楊禧重建始鑿泮池天順

八年知府周一清重建乃廣其制立題名及建

學碑陳文記見藝文成化二十一年知府馮駟治立

年知府汪溥相繼修葺十二年知府姜瑄修殿

堂齋廡重建號房廡宇明末毀於火

本朝康熙三年知府趙開雍重建舉人鮑傑生員

江元載捐屋成之

宜山縣學在府學西宋淳熙十年知州趙與榮嘗

撥官鹽以修之元徭賊為亂久廢明洪武三年

縣丞張叔廉重建景泰間知府周一清撤而新

之寢圯弘治六年僉事陳珪命知縣任球重修

十二年知府姜瑄知縣李謚續修正德元年知

縣徐志道縣丞胡通七年知縣金麟永相繼修



廣西通志 卷之二十一  
葺堂齋立科貢題名碑明末毀廢春秋二祭皆  
附府學

天河縣學原在縣西元末廢於寇明洪武五年縣  
丞王居禮創建七年訓導喻遷善徙東禪寺側  
正統七年署縣事照磨何政復徙城北卽今地  
重建殿廡門堂齋舍景泰三年燬於賊成化二  
十二年知縣楊榮修葺正殿重建堂廡齋舍規  
制復新弘治間知縣史珰正德八年知縣魏朝  
陽十五年知縣尙汝弼俱重修崇禎六年知縣

楊文煥重修日久頽圯

本朝順治間僅修蓋茅舍尋燬康熙二十一年冬  
重建殿祠堂廡

河池州學在州治西初爲縣無學弘治十七年改  
爲州始設置焉次年知州何昱學正張翰創建  
殿廡戟門櫺星門堂齋僅覆以茆嘉靖四年知  
州周錢改移州治重建聖殿明倫堂於今所萬  
曆九年知州梁紹震重修

思恩縣學在縣城南門外明萬曆三十六年始建



崇禎十七年燬於兵

本朝康熙二年知縣翁世庸循舊址建復文廟一  
座

荔波縣原未設立學校

本朝康熙二十一年知縣劉棻申明捐貲建學於  
南門內仍以春秋上丁日致祭

先師復設義館教訓苗童以習禮焉

思恩府原在府治南明正統十二年土官岑瑛請  
建萬節嘉靖八年徙建荒田新府遂卜築於城

外南郊一里萬曆元年知府侯國治遷建於城  
內府治東即今學爲聖殿爲東西兩廡爲啓聖  
祠爲明倫堂前有戟門櫺星門後爲教授宅  
本朝康熙十一年知府金夢麟重修

武緣縣學自唐武德始宋天聖九年始備明洪武  
二年建於城南壽寧寺右宣德九年知縣黃宗  
廣建明倫堂正統八年縣丞封純建景泰三年  
縣丞梁晚昌教諭譚經建兩廡戟門弘治十七  
年燬正德二年御史顏願壽遷城內南街十五



年知縣姚明誠重修嘉靖十三年知縣馬汝熙  
遷南門外撤壽寧寺爲之二十五年知縣鄧體  
靜復遷寺右舊址四十一年南寧府知府方瑜  
委署印經歷徐恩教諭鄭豫夫修葺隆慶元年  
巡按御史朱炳如行縣通學呈復今向知縣楊  
大韶復新之萬曆十二年知縣鄭學醇重修  
西隆州改流未久儒學未設知州王譽命草創茅  
屋於州西南山麓以祀  
先聖

西林縣改流未久儒學未設

鎮安府學在府治東

本朝康熙七年通判彭權草創教職未設

泗城土府學宮未建

本朝康熙十年選有教授







子漢文帝元始元年追諡孔子爲褒成宣尼公此  
後世尊崇孔子之始亦孔子廟制祀典諡宣之始  
也及漢明帝永平二年以周公孔子並祀於郡縣  
學嗣魏晉六朝以來或封公封侯或祀於闕里或  
祭於辟雍靡有定制其停周公專祀孔子定孔子  
爲先聖顏子爲先師令天下郡縣立廟四時致祭  
則自唐太宗貞觀初年始也然武成王廟與文廟  
東西並峙猶未盡尊崇之義也追諡孔子爲文宣  
王自唐元宗開元二十七年始也加稱至聖自宋

真宗大中祥符五年始也加號曰大成至聖文宣  
王自元武宗至大元年始也明洪武二十年罷武  
成王廟改稱曰至聖先師孔子自嘉靖九年從大  
學士張璁之議也文廟門之立戟或十六或二十  
四自宋太祖建隆三年與徽宗政和元年也殿名  
大成自徽宗崇寧四年也改大成殿爲先師廟戟  
門爲文廟之門天下學宮通撤像易木主自嘉靖  
九年始也洪武十五年之所易木主僅國監也歷  
代以來皆塑像始於漢而迄於元也加冕旒桓圭



自宋真宗大中祥符元年也自後徽宗加十二旒服九章執鎮圭金世宗又加十二章其祠孔子以六代之樂者自漢章帝元和元年始也其後宋文帝舞六佾設軒懸宋太祖用永安之樂仁宗用登歌議者不一至洪武二十六年頒大成樂器於天下府學令州縣學如府式舞用六佾樂用登歌而其制乃定也祀七十二賢自漢章帝元和二年始也以顏淵配享自魏王方正始二年始也以魯參配享自唐高宗總章元年始也以孟子配享自宋

神宗元豐元年始也以子思從祀自宋徽宗大觀二年始也以顏魯思孟並享自宋度宗咸淳三年始也加復聖宗聖述聖亞聖公者元文宗至順二年也去公稱子者明嘉靖九年張璁議也以十哲從祀自唐元宗開元八年始也升子張補十哲之闕亦自咸淳三年也弟子之得追贈亦自唐高宗總章元年始也其封公侯伯始於唐開元二十七年及宋真宗大中祥符二年度宗咸淳三年也以左丘明卜子夏公羊高穀梁赤伏勝高堂生戴聖



毛萇孔安國劉向鄭衆杜子春馬融盧植鄭鉉服  
虔賈逵何休王肅王弼杜預范甯二十二賢從祀  
自唐太宗貞觀二十一年始也以荀况楊雄韓愈  
自宋神宗元豐元年也以周惇頤張載程顥程頤  
朱熹自理宗淳祐元年也以張栻呂祖謙自景定  
二年也以邵雍司馬光自度宗咸淳三年也以許  
衡元仁宗皇慶二年也洪武二十九年以董仲舒  
宣德十年以吳澄正統二年以胡安國蔡沈真德  
秀八年以楊時嘉靖九年增后蒼王通歐陽修胡  
瑗陸九淵隆慶元年以薛瑄萬曆十二年以王守  
仁陳獻章胡居仁四十一年以羅從彥李侗等從  
祀者皆從言臣之請也叔梁紇宋封公元封王令  
天下學校通建啓聖祠者自嘉靖九年始也以顏  
無繇魯點孔鯉激公宜配宋程珦朱松蔡元定周  
輔從祀者子不先父食之義也洪武元年詔天下  
儒學各建先賢祠左祀賢牧右祀鄉賢春秋附祭  
今各分祀改稱名宦鄉賢者則成化中特典也祭  
期定於春秋二仲自唐元宗開元二十八年始也



有司薦享自北魏主濬始也月朔行禮自北齊顯  
祖天保元年始也貢士釋褐謁廟自開元二十六  
年始也立學教聖裔自宋真宗始也迄今遂爲永  
制以上諸始末學者童而習之白首而不知其故  
者多矣故詳攷而備載之

### 書院志序

書院之建何昉乎自唐人禁中以儲書籍宋人踵  
之爲祀鄉先生而施教焉所以輔學校之不及也  
粵右書院自省會以及州縣昔有建置郡邑子弟  
肄業其中一時文風蔚然丕變如文簡文定諸公  
科名事業彪炳典冊豈非造士有地之彰明較著  
者耶鼎革之後十不存一迄今過其故址想見前  
人樂育英才以襄菁莪棫樸之化其意至深遠也  
繼往開來後之君子可以聞風起矣



書院志

桂林府

宣成書院宋經畧朱禔孫建以祀南軒張宣公栻

東萊呂成公祖謙理宗書額以賜後燬元元貞

中重建

臧夢解記  
詳見藝文

至正三年重脩

元光祖記  
見藝文

明

弘治十七年提學僉事姚鏌改建

有上

有祭田

三十畝陳伯獻有重脩立田記詳見藝文今廢

田亦無考

桂林書院在城內西嘉靖三年巡按御史汪淵建



爲堂曰五經會講堂東西各二區爲齋以五經之士分業居之區各有講室置經師分處其所以時訓肄士至者廩費有給疾病有醫什器溷溷咸庀又飾堂後爲燕寢前爲中門爲大門扁曰桂林書院外東西監坊二曰師聖曰友賢下爲西湖塘塘東構亭曰浴沂北有池甃以石橋而亭之曰寶賢池之西構亭曰觀蓮院後園地數畝續益之建樓云今俱廢

新建華掌書院在府治南譙樓之右康熙二十二年巡撫都御史郝公浴建屬提學道王如辰召集生徒月給廩贖肄業其中命教授高熊徵董其事督學王如辰有記見藝文

清湘書院在全州北門外二里柳山卽宋刺史柳開讀書故址嘉靖八年麗守林岳增置講堂齋舍寶慶元年麗守程榆奏請賜額三年麗守趙必愿創率性堂燕居樓于柳侯祠北

魏了翁記  
見藝文

元初毀於兵貞元間總管耿大節重建元統癸酉麗守柳宗監復新之

有記見  
藝文

明永樂九年指



揮彭舉知州韓忠脩孔子燕居堂柳侯祠設杏

壇建育德詠歸二亭宣德癸丑藩臬命建講堂

天順甲申僉事袁凱重脩仍訪遺跡作亭宇十

為士子遊息之所年久圯壞成化間麗守汪鏞

重葺之有記正德間又圯麗守顧璘再新之益增

亭榭顧璘張燦記今廢

璜溪書院在全州恩鄉至正七年建有先師遺像

碑存焉正統九年重脩顧璘石圖今廢

瀟山書院在全州湘山本寺中東畔堂曰培桂明

嘉靖九年督學黃佐建今廢

平樂府

道鄉書院在府城東北久燬嘉靖九年提學僉事

黃佐知府龍大有重建以祀鄒忠公浩張治有記

本朝康熙六年兵巡道胡朝賓重建坊表改為訪

賢書院邑人袁景星有記

明賢書院在府前今廢

江東書院在富川北六十里秀峯宋嘉定十四年

澹然居士毛基建有記見藝文



梧州府

梧山書院在儒學右明嘉靖六年都御史姚鎮巡

按御史石金建

黃芳記見藝文

今廢

嶺表書院在府治東南嘉靖十一年都御史陶諧

因總鎮府舊址改建

霍韜有記

今廢

梧楊書院在府城東門外廻瀾堂西萬曆四十八

年知府陳鑑建選十屬生徒肄業其中躬為講

授月給餼薪今廢

東湖書院在東門外漫泉亭東隄人吳廷舉建今

廢

策漪書院在桂江西岸白鶴觀前成化間都御史

韓雍建今廢

龍泉書院在桂江西岸山麓隄人石邦柱建今廢

三元書院在藤縣城西宋馮京讀書處明景泰元

年僉事楊性草創三年知縣唐禮重建買旁地

以廣之弘治元年知縣廖佐復建樓堂以祀文

簡公

教諭周琳有記

萬曆九年奉勘合鬻為民居別建

永安門內今俱廢



解元書院在藤縣仁封鄉赤水鎮原爲三界祠舊

址明嘉靖元年提學劉節改建有今廢

勾漏書院在容縣治東容人建以祀宋安撫機宜

吳元美今廢

南山書院在容縣學之左原思賢堂舊址明萬曆

四十六年知縣侯應遴改建今廢

文昌書院在懷集縣下郭水口明天啓元年知縣

謝君惠建有記

南溪書院在懷集縣定懷門外明崇禎十六年知

縣李盤建有記見藝文

文昌書院在岑溪縣文廟後明崇禎十二年知縣

盧日就建檢討梁兆陽有記

文公書舍在岑溪縣大洞福隆園學者建以祀韓

昌黎邑人高熊徵有記

興文書院在鬱林州治前明萬曆二十四年改建

提學道行署今廢

養正書院在北流縣城東舊學前同知施宗誼建

久廢



博白縣養正書院在縣治分司東後改為教諭署  
今廢

南寧府

敷文書院在府城內北郎縣學舊址明嘉靖七年  
新建伯王守仁建萬曆十一年兵備道陳紀重

脩有記見

明末燬基址為兵舍

本朝康熙九年分巡道宋翔知府韓章脩復之

東泉書院在府城內明嘉靖六年建以祀督府東

泉姚公鏌歲久頽圯四十二年知府方瑜奉東

泉公像於敷文院與陽明王公並祀焉

東郭書院在府城東一里明嘉靖二十九年知府

王貞吉廢于佛堂為之今廢

西郭書院在府城西一里明嘉靖二十九年知府

王貞吉廢崇善寺改建今廢

中郭書院在府城南五里明嘉靖二十九年知府

王貞吉廢堡平寺改建今廢

淮南書院在橫州西明正德間知州黃琮建今廢

騰蛟書院在永淳縣明嘉靖十四年知縣方鵬建



今廢

柳州府

同仁書院在馬平縣舊址明成化丁未御史李廷

珍建

計賢有記今廢

駕鶴書院在府城東駕鶴山久廢

敷文書院在賓州明嘉靖七年建久廢

真僊書院在融縣真僊巖前宋守李興時建今廢

慶遠府

龍溪書院在府城西門內宋嘉定九年權州事張

自明以元祐太史黃庭堅謫宜時僦居於此卽

舊址建祠塑孔子顏仲像創講堂上爲魁星閣

東西翼以十室爲齋四曰共學適道與立與權

前爲重門有池曰墨池亭曰寶華延師授生徒

捐貲置田以贍焉有記今廢田亦無考

四賢書院在府城東門內舊爲東嶽祠明嘉靖二

年知府王顯高改爲書院

四賢呂壽趙林黃庭堅馮京

今廢

思思府

陽明書院舊在府治東明萬曆間知府侯汝治改



遷學宮於此復建書院於府治西兵燹後廢

脩文書院在武緣縣東知縣劉誥建明萬曆八年  
廢

